

Dr M khuatir, tertanya-tanya keputusan lepas tanpa bebas Riza Aziz

Malaysiakini

15 May 2020

Annabelle Lee

Dr Mahathir Mohamad berkata beliau "tertanya-tanya" dengan keputusan mahkamah melepas tanpa membebaskan (DNAA) Riza Aziz, anak tiri bekas perdana menteri Najib Razak, dalam kes pengubahan wang haram membabitkan dana 1MDB.

"Adakah kita di masa hadapan, kalau ada seorang pencuri, dia curi duit dan lepas itu dia kena tangkap, dihadap ke mahkamah, dia kata tak apalah, duit yang saya curi itu saya bagi balik lah.

"Takkanlah kita nak kata okey lah, kita ambil duit itu balik, dia lepas. Sebagai orang yang tak pandai dalam bidang undang-undang, saya tertanya-tanya.

"Saya takut ada orang yang curi duit banyak. Lepas itu asas dia bagi balik, dia terlepas, susahlah kita. Dia boleh bebas balik," kata bekas perdana menteri itu dalam satu rakaman yang dimuat naik di Facebook hari ini.

Beliau mengulas persetujuan yang dicapai pihak Riza dengan pendakwaan dalam lima pertuduhan pengubahan wang haram melibatkan dana 1MDB berjumlah AS\$248 juta (RM1.08 bilion).

Dalam persetujuan itu, Riza dilepas tanpa dibebaskan atas pertuduhan itu dengan syarat memulangkan semula aset dari luar negara dengan nilai anggaran AS\$107.3 juta (RM465.3 juta)

Jika Riza gagal untuk mematuhi perjanjian tersebut, maka pendakwaan berhak untuk mengenakan semula pertuduhan tersebut dan mendakwanya di mahkamah.

Pada masa sama Mahathir berkata beliau tidak mempersoalkan keputusan mahkamah dan percaya ia dibuat berasaskan undang-undang, tetapi pada masa sama sebagai anggota Parlimen, ia menunjukkan undang-undang mungkin perlu dipinda.

"Saya kluatir ada banyak lagi pencuri dalam negara kita dan kalau kita pegang kepada asas ini, mereka akan terlepaslah.

"Dia curi berbillion-billion...Dia bagi balik kepada kerajaan. Dia kata kepada kerajaan, 'Nah, duit yang aku curi. Sekarang ini, jangan ambil tindakan terhadap

aku.' Kita pun kata, 'Sudah bagi balik duit okey lah'.

"Barangkali orang ramai bersetuju dengan pendapat ini (keputusan itu), tapi saya rasa susah sedikit nak terima," katanya lagi.

Jadilah pelanggan Malaysiakini untuk menyokong media bebas me

Copyright © 1999-2012 Mkini Dotcom Sdn. Bhd

Source: <https://www.malaysiakini.com/news/525892>